

Universitäts- und Landesbibliothek Tirol

Viam Regiam Lvsatiae Svperioris

Schwartz, Johann Friedrich

[Wittenberg], 1732

XXVIII

ut mercatores & aurigæ nacti sint occasionem, a recta via discedendi. Mittimus antiqua, & in præsentiarum illius saltem mentionem injicimus belli exitiosi, quod avorum nostrorum memoria universam fere Germaniam vastavit, ex quo Lusatia nostra & Saxonia præter alia incommoda id quoque damni sensit, ut peregrinantes viam regiam adeo deferuerint, ut auctoritate FERDINANDI III. Imperatoris, & JOANNIS GEORGII I. Principis Electoris Saxoniae, vix ac ne vix quidem reduci potuerint, quod ex iis apparet, quæ Cæsaris jussu anno 1650. in Silesia proposuit GEORGIUS RUDOLPHVS, Dux Lignicensis & Silesiæ præses, in Saxonia vero & Lusatia Princeps Elector modo dictus promulgavit.

XXVIII.

Sed, quæ est hominum temeritas, neque sic obtemperarunt, verum sæpius, ubi nec pestis, nec belli periculum metuendum fuit, recesserunt, diverticulaque ideo tantum quæsierunt multi, ut vectigalia defraudarent. Modum excessura esset dissertatio nostra, si omnia hujus perviciæ exempla afferre, aut eas vias, quibus in detrimentum nostræ viatores inceserunt, memorare vellem. Reliquis tamen insigniores sunt viæ illæ per Friedland, Seydenberg & Schoenberg jam anno 1341. & 1356. a JOANNE, Bohemiæ Rege, & CAROLO IV. prohibitæ, item illa, qua per Saganum, Prebusum, Cotbusum, & Parchwitz itur, reprobata a GEORGIO Bohemiæ Rege anno 1462. & VLADISLAVO 1503. nec non a FRIDERICO GVILIELMO & JOANNE GEORGIO I. Saxoniae Principe Electore, porro illa, qua Neumarcki disceditur a via regia, prohibita a RUDOLPHO II. anno 1589. via über die Heyde, vetita ab ABRAHAMO Burggravio Donaviensi 1601. & Gersdorfio 1626. via per Parchwitz & Kutzenau a RUDOLPHO II. anno 1589. via per Spem-

bergam & Hoyerswerdam, in rescripto FRIDERICI AVGVSTI de anno 1732. notata.

XXIX.

Ex his igitur apparet, parum quidem præsidii habituram fuisse viam nostram in sola designatione, nisi pænæ simul in contravenientes sancitæ fuissent. Intellexerunt hoc JOANNES, Bohemiæ Rex, & CAROLVS IV. atque in iis, quæ de via nostra proposuerunt, edictis supra a nobis adductis pœnam commissi & corporis afflictivam statuerunt in illos, qui a via regia discederent. Cum vero ne sic quidem coercerentur contumaces, GEORGIVS Rex an. 1462. in sententia, inter JOANNEM Ducem Saganensem & Gorlicenses dicta, pœnam 50. marcarum auri puri in omnes, qui quicquam in fraudem viæ regię fecissent, constituit, mentemque his verbis expressit : Darum gebieten Wir allen und ieglichen Unsers Königreichs Unterthanen und Getreuen ernstlich, mit dem Brieffe, daß sie die obgenandten von Görlitz an solchen gemeldten Freyheiten, Gnaden, Privilegien, Rechten und Herkommen, auch an diesem unsern Rechtspruche nicht irren oder hindern, noch ihnen keinerlei Eintrag thun, sondern sie fürbas ewiglich geruhiglich gebrauchen lassen, als lieb einem iedem sey unsere schwere Ungnade zu vermeiden, und bey der poen 50. Mark Löthigen Goldes, so in den obberührten ihren Freyheiten und privilegien und Brieffen begriffen sind. Quæ multa, una cum poena commissi, ab omnibus, qui post hæc tempora imperarunt, Regibus Principibusque fuit confirmata. Inprimis autem a FERDINANDO I. ita sancitum fuit : Daß alle und iegliche Kauff- und Fuhrleute zc. sonst keine andere Beywege noch ungewöhnliche Strassen suchen, treiben, noch fahren, bey unserer schweren Straff und Ungnade, auch bey der poen in den publicirten Kayserl. und Königl. Privilegien und Rechtsprüchen ausgedruckt, und bey Verlust der Güther, wo die angetroffen und aufgehalten, die Uns oder unser Königlichen Cammer heimgefallen seyn sollen. Sed durum hoc nimis existimavit